



30661

Mag. St. Dr.

P

kal.komp.

Posthumus

Prac. Andr. Petricov. 1619.

(62)

tuna seu illegitima facere generatio, ex
asperabitur

Criminablis inquis delicti reatu ille se
examinabit. Angli. non hunc causam vel qua
qua deum abia ex allegatione extra situm
ex consensum maris abortum efficiunt
elidere alienat.

129

Nullus et limpius clare intra unum &
quingentes annos carceri, et autem mati
exan in persona sua statum quodpiam de
festo bonis statum fuerit, intra quinque
et decem annos puniendus erit.

Pote et
muliere qua
subleato pa
oriri potest.

In adul
quatu, ven
mona nega
se id ap un
Sed & hic a

fraud ac ostentat, de ea erit
seu expresse seu continens do co
ragalem remisit. Ubiat poro
adulterum conjugem de re a
qu amminum patet dela eam rec
que cum eo in conjugali consor
velle declaravit. At p
completem de re a tal declare

Pedagog. 787

Biblioteka Jagiellońska



stdr0004969



30661


VIII

1. 76

POSTHVMVS
STANISLAI SOCOLOVII,
APVD STEPHANVM I.
POLONIÆ REGEM
Concionatoris,
DE RATIONE STVDII.

per

M. IACOBVM IANIDLOVIVM I. V. D.
& Professore, Canonicum Sandecen: Academia
Cracouien: Procancellarium, & protunc
Generalem RECTOREM,
luce donatus.



30661/1

CRACOVIAE,
In Officina Andreæ Petricouij, S. R. M. Typo-
graphi. Anno D. 1619.

Vll. 4 F. 9.

Illustrissimo & Magnifico Domino,
D. NICOLAO WOLSKI
DE PODHAYCZE,
REGNI POLONIÆ SUPREMO
MARSCHALCO,
Capitano Krzepicensi, Olstinen:
Rabstinen: &c. &c.

M. IACOBVS IANIDLOVIVS I. V. DOCTOR
& Professor, &c. Salutem.

Posthumus hic Magni SOCOLOVII De ratione
studij fatus, Amplissimo nomini Tuo natus, inter
schedia ipsius per me repertus, secundâ eius famâ,
prout doctissimi quique iudicant, in lucem prodit Il-
lustrissime Dñe. qui licet fortè non eo fine fuerit e-
ditus, ut in memoria sempiternâ tēplo reponeretur; Verùm cum
labor iste sententiâ multorum dignus censeatur qui lucem aspici-
at, dabis veniam, quod ut antè Tui proprii iuris erat, ita nunc
publici esse incipiat, nec in alio quàm in Tuo nomine appareat:
Sic enim felici memoria SOCOLOVII nostri, etiam post fata Ci-
ues Regni magno cum fructu erudientis ab huius vitæ fluctibus
in immortalitatis portum delati, fruemur, p̃ysq̃ votis ac desiderio
multorum satisfaciemus, imprimis autem Nepoti Tuo Academi-
cis iuribus nuper à me adscripto, quē natura ad studia totū tāquā
ex loue ramum effinxit, ad exprimendam similitudinē Amplis-
simi nominis Tui imitandum proponemus. Vale.

CRAC: è Collegio DD. Iureconsultorum, ipso die Translationis
S. Stanislai. Anno D. 1619.

STANISLAI SOCOLOVII
DE RATIONE STUDII.

Ad NICOLAVM WOLSCIVM, Capitane-
um Krzepicenssem.

PRo meo incredibili in te amore NICOLAE charis-
sime, mitto ad Te hanc meam, de studio institu-
endo, qualemcunq; scriptionem; non quidem verborum
splendore & eloquentia maiestate exornatam: neq; e-
nim aut materia ipsa, aut tempus meum, ac fortasse
facultas etiam nostra id ferebat: sententiarum tamen
veritate, ut puto, non ineptam. Quam Tu eo animo,
quo à me profecta est, accipies, ac si videbitur, ad eam
studia Tua, quibus Te & natura ipsa effinxit, & Pa-
rentes genuerunt, compones; fratriq; Tuo suavis-
simo puero, sequendam trades. Vale & vive virtuti
studijq;. Dat: Crac. A.D. 1572.



DE STUDIO RECTE INSTITVENDO.

CAPVT PRIMVM.



Studia bonarum literarum quispiam ingressurus, inprimis eorum dignitatem & vtilitatem apud se expendat oportet: quam summam & maximam esse, nemini dubium est. Hominem siquidem cum Deo immortali iungunt, illiq; quoad naturam eius patitur similem reddunt: verè hominem efficiunt, præstantissimasq; illius partes excolunt ac expoliunt: & quo vno homines bestiis maximè præstant, in hoc hominibus ipsis vt antecellant, faciunt. Inter infinitos humanæ mortalitatis errores lucent; in tanta rerum omnium confusione ac perturbatione, optimum vitæ genus degendæ monstrât; ac quomodo illud constantissimè traducamus docent, vtrique fortunæ amplissima sunt præsidia. nam vt secundas res exornant, longè clariores & illustriores eas faciendo, modumq; & rationem ijs cum dignitate & laude vtendi præscribendo, & ne industrijs seruulis
domi-

domini, suorum mancipiorum mancipia seruire co-
gantur efficiendo, utq; aliquid secretum apud se ha-
bere possint, quod illi per se conficiant, præstando:
ita pauperi fortuna præsentissimum & tutissimum
præsidium adferunt, dum obscuros illustant, paupe-
res ditant, ignotos nobilitant, abiectos & humi repē-
tes in principibus locis collocant. Vtriq; simul for-
tuna in aduersis solatium, in prosperis decus & orna-
mentum adferunt. In frequentia & cætu hominum
conspicuos faciunt. In solitudine, frequentia præte-
riti sæculi recreant, ac consolantur; Rempub. exor-
nant, amicos tuentur, inimicos terrent, familiaresq;
reficiunt; maioribus commendant, minores instruunt,
æqualibus gratum & suauem efficiunt. In sapientibus
amorem, in stultis admirationem nostri excitant; iu-
uentutem amabilem reddunt, viros iuuant, senectu-
tem venerandam & honorificam adferunt, mortis
metum auferunt, dolorem perferre, voluptate per-
frui, tempori cedere, amico uti, ex inimico utilitate *phibenda*
capere, sui ipsius totiusq; vniuersitatis ac eius partiū
vsum nosse docent. Omnium locorum & temporū
hoc bonum est: sola hæc possessio, non curribus ad
deuehendum, non iumentis ad deportandum, non
farcinis ad deferendum, non Regum & Imperatorū

diplomatibus ad probandum, non testibus ad fidem
faciendam opus habet, spontè & sine onere nos ubi-
que sequitur, non ab hoste eripitur, non igne incen-
ditur, non vetustate consumitur, non usu atteritur,
non situ deprauatur, ubiq; prodest, liberalitate cre-
scit, usu perficitur, in vno loco existens, ubiq; est, ab-
sentes videt, & amatur ab ipsis. Post mortem viuit,
sola ex omnibus rebus tempore non euanescit, sed vi-
res & authoritatem sumit, caelos adit, sidera superat,
nihil tanquam nouum miratur. Totius temporis res
gestas, vno aspectu intuetur. Hæc tanta & talis est
dignitas eius quam quærimus possessionis.

CAPVT SECVNDVM.

Dignitate & vtilitate eius possessionis perspecta, il-
lud apud animum suum statuendum est. Cum talis
ac tanta sit eius dignitas & vtilitas, iustum & planè
necessarium esse eius causa multas res, quæ primo a-
spectu suaues & iucundæ videntur repudiare, labores
item molestias aliquas impendere; cum nihil magnū,
nihil eximium sit, quod sine labore & aspernatione
rerum iucundarum acquiri possit, omnesq; res ma-
gnas & dignitatis plenas, Dij immortales labore & su-
dore vendant. Nam & aurum ex visceribus terræ
magno

magno labore eruitur, & gemmæ ex profunditate aquæ vltimo nautarum discrimine emergunt; & fruges sudore agricolarum irrigatæ optimè crescunt. Quod si neque sutor calceum suere, nec architectus domum extruere, nec faber æs tractare sine aliquo labore & studio potest, ne nos quidem profecto sine labore & repudiatione voluptatum, eaq; summâ, quæ diuina quæ admiranda sunt, vlla ratione consequi poterimus, quæ magna & admiranda non essent, nisi magno labore & conatu acquirerentur, & si ignauis cum industrijs essent communia.

Simile.

CAPVT TERTIVM.

VERùm cùm à Ioue principiū Musæ Iouis omnia plena (vt inquit Poëta) omneq; datū optimū, & omne donū perfectū desuper sit, descēdens à Patre luminū, meritò inprimis pax & venia ab æterno illo Parēte de poscenda sunt. Absurdū enim esset existimare opes, diuitias, amicos, bonam valetudinē, mediocria bona à Deo immortalī dari; sapientiam autem perfectam & absolutissimum bonum, aliunde potius quàm ab illo ipso prouenire. Quod & veteres illi Philosophi acutissimè viderunt, indeq; Palladem Sapientiæ Deam ex summi Iouis cerebro prodijisse asseruerunt. Et Aristote-

ristoteles ex sententia Simonidis Deum primum Sapientem, omnisq; sapiētiæ largitorem, in libro primæ Philosophiæ vocat. Et Plato virtutem ac sapientiam à superiore numine promanare in Memnone docet. Sed Salomon his omnibus melius de Sapiente disse-ruit: Cor suum, inquit, tradet ad vigilandum dilu-culo ad Dominum qui fecit illum, & in conspectu al-tissimi deprecabitur, aperiet os suum in oratione, & pro delictis suis deprecabitur. Si enim Dominus ma-gnus voluerit, spiritu intelligentiæ replebit illum; & ipse tanquam imbres emittet eloquia sapientiæ suæ, & in oratione confitebitur Domino, & ipse diriget consilium & disciplinam eius. Diuus Iacobus hoc idem testatur: Si quis autem indiget sapientia, postu-let ab eo qui dat omnibus affluenter nec exprobrat, & dabitur ei. Colitur autem & conciliatur Pater ille æternus castæ & incontaminatæ mentis, vt inquit Gregorius, sacrificio, flagranti & assidua prece, vitâ sancta & impolluta. Nihil autem æquè castissimam illam mentem delectat, quàm prima hæc ætas dum integritatem & castitatem in qua illam natura genu-it, puram & inuiolatam cōseruauerit. Agnoscit enim in illa atq; amplectitur primordia operis sui, agno-scit impolluta vestigia manuum suarū, agnoscit stol-lam pri-

lam primam candidam & splendentem, nulla turpitudine deformatam, qua illam decorauit & lauit in sanguine Agni. Vos estis casta Spiritus S. domicilia, vos impolluta membra castissimi Corporis Christi, vos futuræ vitæ insigne exemplar, vos terrestres Angeli atq; candidata cohors summi Imperatoris; ea reuerentia ac cultu digni, vt nihil in conspectu vestro nisi sanctum & incontaminatum proferatur. Nulla gemma, nullum aurum, tantum atatem istam exornare & commendare potest Regi inprimis Angelorum, atq; ipsis mentibus caelestibus, quātum hac ipsa virtus commendat, quam & dæmones ipsi propter sanctitatem reuerentur ac metuunt, & tāquam summo magnoq; bono, illi plurimum insidiantur. Hæc est prima mortalium commendatio, qua se in primo limine vitæ Deo commendant, ac reliqui cursus prosperos successus anpetrant. Qui igitur amplissimos fructus studiorum consequi volet, hoc pacto nomen illud caeleste & diuinum, à quo cunctis promanat sapientia, placabit.

CAPVT QVARTVM.

His ita in animo suo cōstitutis; primus lapis & fūdamētum sapientiæ iaciendum erit. Hoc autē est Tem-

B

peran-

perantia, optima mentis & animi conseruatrice, quam
Philo doctissimus Iudæus Sapiētiae primum lapidem
vocat, quem ille iacire debet, qui seriò & cum fructu
operam studijs sit nauaturus. Vt enim nihil magis ini-
micum est huic generi vitæ intemperantiæ, extinguit
enim omnia ingenij ac industriæ præsidia & instru-
menta, sensuum peripicacitatem; memoriæ tenaci-
tatem, inuentionis acumen, iudicij maturitatem, ef-
ferendi res conceptas facilitatem, quin potius paula-
tim hominem animo & mente exuit grossis ac tur-
bulentis humoribus caput complet, affectus & per-
turbationes commouet, indeque pacem mentis &
quietem perturbat, ac extra hominem quodam mo-
do animum in rebus vilissimis ac impurissimis occu-
patum, tanquam circa Syreneos scopulos retinet, ac
ne quid magnum & sublime cogitare possit, impedit.
Vt inquam intemperantiâ nihil est pestilentius; ita vi-
cissim Temperantiâ nihil magis salutare. Pacem e-
nim & quietem animo reddit, tumultus ac perturba-
tiones à mentis conclauis arcet, humores prauos co-
hibet, vegetum ac vigentem animum sapientia red-
dit, & vt in pauca conferam, hominem homini re-
stituit. Hac humilia ingenia crescunt, illâ quantum-
uis maxima & præstantissima extinguuntur. Quod
de Ale.

de Alexandro, Annibale, & Nerone, ac reliquis eius generis legimus. Consistit autem hæc virtus in modo & mensura omnium voluptatum, maximè tamē quæ circa potum, cibum, somnum, lulum, ac reliquum vitæ meliorem splendorem, & apparatus verfantur; quæ vt moderatè assumpta naturam conseruant, ac reficiunt, magisq; vegetam laboribus reddunt: ita modum si exceſſerint, eam penitus labefactant ac extinguunt, immaturamq; mortem adferūt. De reliquis autem voluptatibus apud hanc ætatem disputare neque conuenit, neque necesse est: cū in hanc ætatē nō cadant, nisi vbi malitia superat ætatē.

CAPVT QVINTVM.

CVM autem omnes artes aliter ab ijs tractentur qui eas ad vsum transferunt, quiq; Rempub. spectant, aliter ab ijs qui ipsarum artium tractatu delectati nihil in vita aliud sunt acturi: neque enim in istis terrenda est omnis ætas, sed cū fontes viderimus (quos nisi quis celeriter cognouerit, nunquam cognoscet omnino) tum quoties opus erit ex ijs tantum quantum res petet hauriendum. Proinde statuendum in primis est, qui simus, & ad quem finem studia nostra referamus. Finis igitur studiorum Ciuili homini qui

forum, qui Curiam, qui militiam, qui reliquas Reipub. partes adire volet hic erit, vt omnes partes vitæ recte honesteque degendæ, ac omnia ea quæ ad eam tuendam & ornandam, tam priuatim quàm publicè sunt necessaria, norimus, ac primum nosmetipfos in ea exclusis errorum tenebris conseruemus cōstanter: deinde vt eam ciuibz nostris, omnesque partes illius ita vti tempus & necessitas ferret, persuadere possimus. Neq; enim sufficit ciui bono seipsum vtilem Ciuem Reipubl. suæ præstare, nisi hoc idem alijs quantum poterit persuadeat. Ad quem duplicem studiorum finem duplex quoque illa eruditionis pars refertur, vt scilicet Philosophiam illam quæ in moribus & vita versatur, ediscat, quæ omnes vitæ honestè degendæ rationes & modos explicat ac aperit. Deinde vt linguam nostram artibus illis imbuamus, quæ in dicendi & differendi subtilitate atque copia versantur, quibus instructi facile possemus id quod rectum & honestum est Ciuibz nostris persuadere. Cum autem omnis ars & institutio, partim præceptis, partim exemplis, hisq; aut veris aut fictis contineatur, Philosophia quoque hæc quæ in vita & moribus versatur, ijs partibus constat, Et præcepta quidem Philosophorum libris Platonis, Xenophontis, Aristotelis,

Stotelis, Ciceronis, Senecæ, Plutarchi, Epicteti, ac reliquorum continentur. Exempla autem vitæ ac morum, vera quidem historicorum libris, quorum infinita est manus tam apud Græcos quam Latinos, continentur, inter quos Principes illi numerantur: Herodotus, Tucydides, Xenophon, Polibius, Plutarchus, Dionysius, Cæsar, Salustius, Liuius. Ficta autem & ad vitæ speciem conformata, apud Poëtas reperiuntur, quorum plurima sunt genera: Epicorum, Lyricorum, Tragicorum & Comicorum; inter quos Græci quidem plurimi, Latini pauci principes numerantur Hesiodus, Homerus, Pindarus, Sophocles, Euripides, Aristophanes, Vergilius, Horatius, Terentius, Plautus, Seneca. Qui igitur exactam cognitionem Philosophiæ Moralis habere vellet, hos omnes cognoscat oportet, quæ res plus in fronte molestiæ quam in recessu refert: nec enim valdè multa isti omnes scripserunt, & summa tamen suauitate legentium animos recreant. Ars verò quæ in excolenda lingua versatur, primum quidem Grammaticæ, Dialecticæ & Rhetoricæ cognitione constat, non illa anxiosa & nimium curiosa, sed hæc quæ sumit tantum, quantum opus est. Quæ quidem artes materiam & rationem dicendi præscribunt, animumq; prudentis

¶ viri quid aliquo loco dicat, & quomodo, commonēt.
Deinde Oratorum & Poetarum lectione, ex quibus
copia verborum & artis atq; imitationis exempla pe-
tuntur. Et Grammaticam à quocunq; Grammatico
didiceris, non multum refert. Dialectica commo-
dissimè ex nostro Gorscio, perfectissimè ex Aristote-
lis Organo discitur. Rhetoricæ quam dicendi artem *facile*
appellamus, Aristoteles, Cicero, atq; Fabius Quinti-
lianus, præcipui sunt Magistri; quos qui diligenter le-
gerit, ille vniuersam artem dicendi vberimè cogno-
scet, sed Aristoteles difficilior: Fabius cum Cicerone
planissimi & ad captum discentium accommodatissi-
mi. Oratorum autem, ex quibus dicendi ratio peti
debeat, non magnam habemus copiam. Demoste-
nes, Isocrates, Cicero, in principibus numerantur.
Sed vnus Cicero diligenter & summo studio lectus,
cæterorum iacturam compensabit. Qui igitur suis
Cuius ea quæ recta & honesta sunt persuadere vel-
let, hos libros legat, oportet. Quamuis autem studia
sapientiæ priora sint natura & dignitate studijs elo-
quentiæ, modo tamen discendi ac percipiendi priora
hæc illis esse putamus, partim quòd minutiora ac ma-
gis tediosa sunt, quam vt à maturiore ætate, quæ na-
tura ad grauiores res fertur, edisci commodè possint,
partim

partim quod viuidiore & faciliore memoria, qualis
primæ ætatis est, opus habeant; partim quod ad illud
maturius genus, studiorum rectam & facilem viam,
& aditum aperiant. Quid autem in hoc genere in-
primis legēdum sit, diuersa diuersorum sunt iudicia.
Mihi primum locum post deletam meram literarum
ignorantiam, lectio Epistolarum Ciceronis, Cōmen-
tariorum Cæsaris, atq; Terentij Comici habere vide-
tur, cum ob insignem elegantiam & puritatem, tum
ob intelligendi facilitatem. Si enim in omni Eloquen-
tiæ studio id primum & summum est, vt purè, castè,
& eleganter loquamur; nihil ijs libris castius, nihil pu-
rius, nihil elegantius dici potest. Na & Ciceronē Epis-
tolarū elegantia, Demostenem ipsum superâsse, testis
est Fabius. Et commētarios Cæsaris valde probandos
dicit Cicero, nudi enim sunt, recti, atq; venusti omni
ornatu orationis, tanquam veste detracta. Et Teren-
tium Cicero quamuis centum annis se priorem, fa-
miliarem suum nihilominus vocat. Neq; verò sim-
pliciter & quocunque modo hos libros legendos pu-
to, sed studium quoq; & obseruationem aliquam ad-
hibendam existimo, vt modi & rationes dicendi di-
ligenter notentur, ac notati memoriæ commendē-
tur. Hæc enim sunt tanquam prima initia, & incuna-
bula

buli eloquentiæ, primo quidem aspectu rudia & molesta, at in recessu magnifica & splendida. Ars verò commodissime ab illis quos diximus ediscitur, si breuem eius quandam designationem & adumbrationē doctus & fidelis præceptor præmiserit. Legendi demum sunt alij Poëtæ & Historici, eo ordine, vt optimos quosq; primo loco legamus, in quibus Cicero & Vergilius, Liuius, familiam ducunt, amplissimi & locupletissimi linguæ Latinæ, totiusque eloquentiæ authores, ita tamen ne reliqui illi quos diximus, suo loco & tēpore negligantur: tum demum ad illud primum genus studiorum transeundum, authoresq; illi quos diximus legendi, vt quisque melior & facilior putabitur. Quemadmodum autem vbi nos vrbis ac fixi domicilij tedium cepit, in agros varijsq; floribus distincta prata diuerti solemus, non vt illic commoremur, sed vt animo refectioni in urbem iterum redeamus: ita nō abs re quoq; erit in Philosophiæ naturalis campos, artiumq; Mathematicarum hortos, Geographiæ præsertim, sine qua historiæ lectio cœca est, paululum diuerti, ac illarum principijs & elementis cognitis, ad institutum studiorum cursum regredi: quæ studia ingenium plurimum acuunt, vegetiusq; reddunt, & ad institutum literarum cursum, maximum momētum adferunt,

adferunt, & ijs ipsis aspersa eruditio maiorem adm-
rationem & delectationem habet, longeque sublimior
esse videtur. De Iurisprudentiæ quidem atque Theo-
logiæ studio nihil dicimus: vbi enim in ijs studiis de
quibus diximus, aliquis profecerit, facile de reliquis
suo iudicio utetur. Et hæc quidem summa studiorum
Ciuiilium est.

CAPVT SEXTVM.

SVscipiēda est præterea exercitatio quædam, inquit
Cicero, his qui ingrediuntur ad stadium, quique ea quæ
agenda sunt in foro tanquam in acie, possunt etiam
exercitatione quasi ludicrâ perdiscere ac meditari.
Varios autem modos exercitationis tradit Cicero.
Illud tamen præcipuum caput est, inquit ille, quod ut
verè dicam, minimè facimus: est enim magni labo-
ris quem plerumque fugimus, quàm plurima scribere,
stylus optimus & præstantissimus dicendi effector
ac magister. Nam si subitam & fortuitam orationem
comentatio & cogitatio facile vincit, hæc ipsam pro-
fectò assidua & diligens scriptura superabit. Omnes
autem siue artis sint loci, siue ingenij cuiusdam atque
prudentiæ, modo insint in ea re, de qua scribimus, an-
te quærentibus nobis, omni que acie ingenij contem-
plant-

plantibus, ostendunt se atq; occurrunt: omnesq; sententia ac verba omnia, quæ sunt cuiuscunq; generis, maximè illustria, sub acumen styli succedant subeantq; , necesse est. Tum ipsa collocatio conformatio, quæ verborum perficitur in scribendo, non Poëtico, sed quodam orationis numero ac modo. Quamvis autem varij sunt modi styli exercendi: illum tamen maximè se Cicero secutum docet, vt ea quæ Græcè legeret, Latinè redderet verbis optimis & vsitatis. Quod autem illi Latinè discenti Græca fuerunt, nobis erunt vernacula & domestica, quæ itidem reddemus verbis optimis & vsitatis: quod ita commodissimè fiet, si ex probatissimis authoribus locos versos, iterum in Latinum qua poterimus diligētia maxima vertemus, nostraq; cum antiquis conferemus, ac quicquid prætermisum, quid additum, quid suo loco nō positum sed immutatum sit, videbimus. Nullus enim censor, nullus corrector est melior syncerā antiquitate. Optima autē & perfectissima exēplaria quæ imitemur, esse debent. Vtile quoq; erit sumpto spatio ad cogitandum paratius & accuratius, vel historias, vel fabulas, vel qualescunq; rerum descriptiones, locos item communes Philosophiæ Moralis, in vtramque partem Latina oratione explicare: quod & Aristoteles

stoteles fecisse dicitur, non ad Philosophorum morē
leuiter differendo, sed ad copiam Rhetorū in vtram-
que partem, vt vberius dici possit. Sunt & alia gene-
ra exercitationis maturiora, sed nunc ea explica-
mus tantum, quæ primæ ætati sunt accommodata.
Debet autem maxima diligentia & studio omnis e-
xercitatio suscipi: cum peruersè dicere homines per-
uersè dicendo facillimè consequantur. Exercenda
porro demum memoria est ediscendis ad verbum
quam plurimis & nostris scriptis & alienis.

CAPVT SEPTIMUM.

CVM autem omnes actiones humanæ tempore di-
metiantur, cuius parua quædam copia generi morta-
lium munere diuum data est, vitæ enim nostræ exi-
gua quædam mensura conspicitur, eiusq; maiorem
partē homini, morbi, calamitates, puerilis ætas, sene-
ctusq; ipsa auferunt, vbi autem effluxerit, nullis neq;
precibus, neq; opibus, neq; viribus recuperari solet.
Res quædam omnino preciosissima & maxima, &
cuius apud demens genus mortalium minima iactura
putatur. Quot enim horas diu immortales, quot
menses, annos deniq; nobis frustra elabi patimur. At
verò si omnia simul iungantur momenta, tempus

quod frustra effluxit, reuocari poterit. nec illud cer-
nimus, tempus dum perdimus, nos ipsos partibus qui-
busdam perdere. Qui enim vitam quæ illi ad viuen-
dum resq; magnas gerendas data est, perdit, seipsum
perdere putandus est. Parci igitur dispensatores tem-
poris esse debemus, ad eiusq; rationem studia omnia
nostra reuocare. Cùm igitur à Deo immortaliprin-
cipia sapientiæ repetamus, meritò prima hora à som-
no, aut aliquid amplius cultui diuino danda erit: ne-
que enim dignus est vt luce hac fruatur, qui autorem
& Dominum lucis non adorauit, & hac ratione reli-
qui actus diei prosperius succedent, si ab eo, in cuius
manu omnis prosperitas & successus est collocatus,
principium sument. Consequentes duæ vel plures
horæ lectioni, auditioni, & scriptioni dabuntur. Quod
reliquum temporis ante cibum, est necessarijs cûris
ac corporis exercitio, dari poterunt. Post sumptum
demum cibum, tribus ad summum horis ad studia fi-
at reditus, quibus duas minimum, plurimum quatu-
or impendemus, reliquum temporis negotijs dome-
sticis valetudiniq; reficiendæ dabitur. A cœna quã-
uis minus idoneum tempus studijs tractandis pute-
tur, tamen aliquid expeditum atq; iucundum legi po-
terit, quod dulcem induceret somnum & quietem;

com-

commodissimè tamen ea vesperi aliquoties leguntur,
quæ matutino tempore memoriæ commendari de-
bent. Vt autem matutinæ horæ grauioribus studijs
debentur, ita postmeridianæ iucundiora & faciliora
studia sibi assumunt. Illud autem in primis nobis im-
peremus oportet, ne vlla dies sit absq; linea. vt enim
perpetua assiduitas ingenium obruit ac hebetat, ita
intermissio certissimus obliuionis & ignorantia fa-
ber est. Cuius rei ipsi apud nos diligentissimi ac stri-
ctissimi exactores esse debemus.

CAPVT OCTAVVM.

ET quoniam duce & Magistro studiorum discenti
opus est, deligendus talis erit, qui præstanti vita ac
moribus in primis fulgeat: cum vitia Præceptorum,
frequentissimè minus cautis discipulis etiam in ma-
tura ætate soleant obrepere. Quomodo Macedo A-
lexander iracundiam, quam puer à præceptore hau-
serat, perpetuò magno damno suorum retinuit. De-
inde qui solida, & non apparēte tantum doctrina &
eruditione præditus sit, quiq; ea alios doceat præclarè
quæ ipse possit præstare. Infeliciter enim ille docet,
qui aut discendo docet, aut suæ artis quàm tradit e-
xemplar non potest exhibere, cum haud facile sit hoc
in alio

in alio efficere, quod in teipso præstare non possis.
Cum verò quispiam talem delegerit, tum apprimè e-
nitendum est, vt cum talem qualis est, hoc autem est
optimum & doctissimum, ac studiorum suorum a-
mantissimum, nacti fuerimus: nam & ægri prima sa-
lus est bene de Medico persuasum esse: & facile sub
eo Magistro proficimus, quem optimum & doctissi-
mum esse putamus. Cum autem de illo sentiemus,
danda erit opera, vt omnia eius iussa & dicta prom-
ptè & libenter exequamur, ac tanquam decreta & le-
ges studiorum nostrorum esse putemus. Stultum e-
^{prius}_{ius.} nim est ducem itineris quærere, ac cum magno labo-
re quæsitum inueneris, fideliter iter monstranti non
parere. Sic enim & illum ad vtilia percipienda ala-
criorem, & nos ipsos ad monitoris frena recipienda
faciliores efficiemus. Colendus autem erit & hono-
randus Parris loco, vt enim quempiam magis hono-
ramus, eò promptius illius iussis ac monitis paremus.
Nam & parentibus & Magistratui ideò obtempera-
mus, quia primum honorem & cultum nos illis debe-
re putamus. Nec est aliud quid de honore & reue-
rentia præceptorum detrudere, quam nè recta iubē-
ti pareas, neuè utilitatis tuæ causâ præcipienti obtem-
peres viam aperire: nec prius tamen de præceptorū,
quàm

quàm de nostra existimatione detractum erit. Turpe enim est illi nos subijci, quem ne ipsi quidem honore dignum existimemus. Quòd si eos quibus res nostras committimus, quàm honestissimos esse volumus, ac in magna laudis parte id ducimus: quibus nos ipsos committimus, eorum honorē negligemus? Magnam autem commendationem ea res discere volentibus adfert, non enim personas præceptorum, sed studia sapientiamq; ipsam colere putatur, quod minimè facere potest, qui aut ipse eruditus non sit, aut quantū momenti in se sapientia habeat, non animaduertat; vt qui hoc despicit, sapientiam ipsam & eruditionē despiciere videtur; atqui ita stultissimus & ignauissimus esse iudicatur. Nihil autem turpius est, quàm sapientiæ & industriæ inimicum & osorem apparere, ad quam omnes natura duce trahimur & impellimur. Sed hæc quidem hætenus.



12
*SOCOFORIVS. seu in Anniversario Stanislai Polonij
Theologi, Cacerici Episcopi. et apud Stephanum Poloniam Regem
Consecrationis. & inter Omnes R. P. Fabiani Braccij S. T. P.
Ord. Prædicatorum S. Dominici.*

[Faint, illegible handwriting]

libidinem pervertitur, talis ob
nocuium perinde, ac doctor ob
rem, autum solummodo, si pars
factum inculaverit, quæ delin-
ctis mittitur carere ab uno mense
autum annum puniendus erit.

CAPIT. XIII

De homicidio

§. 110.

in intentione hominem lædendi ta-
liam suscipit, ex quo mors ejus-
cellario consequitur, delicti cri-

a.) Si cum intentionem occidendi
premeditate tamen animus, quod per se
vestiale est, mortemque adhibi. inflicti-
fuerit, in poenam duos carcer a quinque
mensibus ad decem annos irrogandus est.

b.) Si cum animo occidendi agebat
non homicidia de se a decem mensibus ad
duos annos carceris puniendus erit.

§. 112.

Si homicidium cum pccati animo
perpetratum fuerit, et occidit intentio
mortem occubientem reddendi, et
poena homicidæ ad dies vitæ durabit,
sique hoc distinctas poenæ jam aliquam
ob delicti qualitatem attigerit, ea gravi-
ter exasperanda erit.